

Crime Free Christmas

Tarrus Riley

Season's greetings
Uptown, downtown
We no waan hear no gun sound
Singy Singy
Oh gosh

Santa Claus vibes, I no inna it
I and I nah no Christmas list
If you waan gi' we a Christmas gift
Tell you 'bout this, mek me tell you 'bout this

All I want for Christmas is to stay alive
Cyaan tek the sound dem of the .45
All I want for Christmas is to stay alive
Well a health and strength, more life

Tired a me bredda and me sista dem a quarrel
Hey, come mek we drink likkle sorrel
Tell Auntie Joan and Uncle Warren
Send clothes and grocery, no gun inna barrel
Done know seh Santa nah no gift a carry
And my housetop cyaan manage
Haffi love my mama all when she no have it
She a gi' we likkle chocolate tea, a likkle porridge
Oh, holiday time and school done
And nothing we need fi have fun
Is like a family reunion we having
Greetings a send from foreign

Every belly full from Christmas Eve
And Grand Market we haffi clean
Doh waan no gunshot a buss inna the street
Put dung your gun dem please

And mek we have a crime free Christmas time
Doh let violence bruk we vibes
No, oh oh, no, oh oh
And mek we have a crime free Christmas time
Doh let bloodshed bruk we vibes
No, oh oh, no, oh oh

All I want for Christmas is to stay alive
Cyaan tek the sound dem of the .45
All I want for Christmas is a new brand ride
With a thick empress inside, hold tight

No snow no fall, only thing a likkle breeze
No one nah stick you up with gun and bawl freeze
No brutal police, beat you till you weak
Christmas cyaan ketch me inna foreign country
Black lives matter inna Jamaica to we
All lives matter, a the said thing we pree
Could a come from Norbrook or dung a TG
Waan the crime and the violence fi cease

Petty thief, lowe the likkle youth dem with dem phone dem
Papa work hard fi support dem

See the likkle girl inna her shorts and waan hold her dung
Paedophile, we no condone dem
Ras' and bald head link inna the street
Party a keep and everybody see it
Tek a draw, tek a sip, a no gunshot fi beat
Put dung your gun dem please

Mek we have a crime free Christmas time
Doh let violence bruk we vibes
No, oh oh, no, oh oh, yeah
A crime free Christmas time
Doh let bloodshed bruk we vibes
No, oh oh, no, oh oh, hey

And mek we have a crime free Christmas time
Doh let violence bruk we vibes
No, oh oh, no, oh oh - ah, ah
A crime free Christmas time
Doh let bloodshed bruk we vibes
No, oh oh, no, oh oh - aah

I would like to send greetings to my family in Saint Elizabeth
And tell dem seh fi save bundle a greens fi me
Because, unno a go kill the goat and me nah go partake inna it
You understand me, hehehe